

ЛЕНИНЭНЬ КИЯВА

ВЛКСМ-нь Мокшэрзянь обкомонь ды Саранскоень ошонь комитетэнь газетаст

НОЯБРЯНЬ

28 чи,
1935 ие

№ 127 (478)

ЛКСР: 8-11 по
ЧИНЬ ИТАИ

Од тейтерь-авань конференция

1935 иень декабрь ковонь 1-це чистэнь Саранскойсэ панжови Мокшэрзянь трудия од тейтерь-авань республиканской конференция.

ЧИНЬ ПОВЕСТКАСЬ:

МАССР-энь правительстванть докладозо—докладчикесь ОЧКИН ялгась ды ВЛКСМ-ень обкомонь докладозо: ОД ТЕЙТЕРЬ-АВАТНЕ ЮТКСО РОБОТАНТЬ СОСТОЯНИ-ЯДОНЗО ДЫ СОНЗЭ ВАДРЯЛГАВТОМАНЬ КОРЯС МЕР-РАТНЕДЕ—докладчикесь РАДИОНОВА ялгась.

Конференциясь панжови ошонь театрасонть 6 чассто чокшне.

Конференциянтень, делегатнеде башка, улить тердезь МАССР-энь ЦИК-ень президиумонь члентнэ, ВКП(б)-нь ды ВЛКСМ-ень обкомонь бюронь члентнэ.

МАССР-энь ЦИК-есь ды ВЛКСМ-ень обкомсь.

РЫБКИНАНЬ РАЙОНСО КОМСОМОЛОНТЬ ЛАНГСО ПАРТРУКОВОДСТВАНТЬ СОСТОЯНИЯДОНТЬ

ВК (б)-нь Мокшэрзянь обкомонь бюронть 1935 иень октябрьнэ 26 чинь постановлениась

ВКП(б)-нь обкомось проверизе партиянь Рыбкинань райкомонть роботанзо комсомолонть лангсо руководстводо, тешксты:

1. Комсомолонть роботанзо одс аравтомадо Сталин ялганть указаниязо ды ВЛКСМ-нь ЦК-нь XI пленумонть решениянзо ВЛКСМ-нь Рыбкинань райкомось топавты овси аволь удовлетворительносто:

а) комсомолонтьнэнь ды аволь союзной од ломантнень политнаветнемась апарганизова. 393 комсомолонтьнэнь эйстэ весемезэ тонавтнить 124. Партиянь историянь тонавтнемасо сазе 10 ломанть;

б) допрок арась робота эйкакштнэнь коммунистическоя воспитания коряс. Райкомось а соды, зяро улить пионер ды пионеротряд районсонть. Пионеротрядтнэнь ды октябрятскоя группатнэнь вожа тойть меельсэ шканть самс эсть аравто;

в) тейтерь-авань од ломаньтнень ютксо роботанть коряс райкомось допрок мезеяк а ютавты.

2. Рыбкинань комсомольскоя организациясо истямо положениась лиссь секс, што:

а) комсомолонть обкомось аволь серьезнойстэ кочкинзе ВЛКСМ-нь Рыбкинань райкомсо руководящей роботниктнэнь, конань коряс сеедьстэ полавтневств роботниктнэнь ды допрок арасель роботасть;

б) партиянь Рыбкинань райкомось комсомолонть лангсо партруководстводо ВКП(б) нь обкомонь бюронть те иень апрелень 11 чинь ды пленумонть те иень маень 27 31 чинестэ решениятнэнь колась. Комсомолонтьнэнь эрва чинь практической лезксэнь максоманть ды мелявтоманть таркас стясь комсомолонть руководстванть полавтоманзо кинть лангс ды эзинзе ютавто роботасо эрвикс условиятнэнь, ВКП(б)-нь райкомонь секретарень полавтыцясь Цыпленков ялгась кона кемекстась ВЛКСМ-нь райкомонтьнэнь, грубойстэ администрировась ды командовась комсомолонть лангсо.

Тень лангс вавозь ВКП(б)-нь обкомось теи постановления:

1. Комсомолонть лангсо партийной руководстванть виевгавтоманзо обкомонь решениянть коламозо

кис, кона ветизе тевсэ районной комсомольскоя организациянть политической деятельностинэ пек лавшовоманть, ВКП(б)-нь Рыбкинань райкомонь бюронтьнэ максомс навид.

ВКП(б)-нь райкомонь секретарень полавтыцянтень Цыпленков ялганть, комсомолонть лангсо грубойстэ администрировамонть ды командовамонть кисэ ды критиканть коряс аволь партийнойстэ ваноманть кисэ, яволявтомс выговор.

2. Кармавтомс партиянь райкомонть максомс комсомолонь райкомонть истямо руководства ды лезкс, конань коряс бу малазо шка не практически топавтововоль комсомолонь роботанть одс ладямодонзо Сталин ялганть указаниязо ды ВЛКСМ-нь ЦК-нь XI пленумонть решениянзо.

3. Невтемс ВЛКСМ-нь обкомонтьнэ комсомолонь Рыбкинань райкомонтьнэ руководящей роботникень аволь серьезнойстэ, ланга-прыва кочкамонть лангс. Меремс комсомолонь обкомонтьнэ кемень чинь шкас аравтомс комсомолонь райкомонтьнэ эрвикс роботникт.

4. Невтемс Фенин ялганть (ВЛКСМ-нь райкомонь секретаресь) сень лангс, што сон комсомолонтьнэ партиянь райкомонтьнэ аволь шумбрасо отношениянть марто вастовомсто, лоткась аняк тень коряс областной организациятнес кулянть печтамонть лангс, сонсь тевсэ комсомолонь районной организациянть лангсо робота ды руководства эзь ветя.

5. Комсомольскоя организациянть состояниядонзо ды партруководстводонть ВКП(б) нь Рыбкинань райкомонь бюронть 1935 иень октябриянь 8 чинь решениянть полавтомс прок аволь видестэ комсомолонть лангсо руководстванть коряс эзинзэ роботанзо ловоманть кис.

Меремс партиянь райкомонтьнэ комсомольскоя организациянть состояниядонзо вопросонть ды те решениянть толковамс ВКП(б) нь райкомонь сыця пленумсо.

6. Решениянть печатамс газетатнесэ.

ВКП(б)-нь обкомонь секретаресь ПРУСАКОВ.

Отвечить тевсэ СТАЛИН ялганть валонзо лангс

Анокстан эсь прям од изнявкстнэнень

Весесоюзонь стахановской васьень совещаниясонть Сталин ялганть валонзо толковамодо мейле, вана мейсэ кортась Саранскоень махорочной фабрикань токарной цехень стахановецесь—Никоноров Петр:

— Саранонь махорочной фабрикань токарной цехсэнь стахановской движениянь васьень сяткнэнь сырентинь мон. Зярдод мон эсинь токарной станоксон карминь лепштямо технической ташто норматнэнь лангс—монь примерэнтэ саизь лия робочейтнеяк.

Зярдод мон роботынь ташто норматнэнь коряс—мон вейке валонть эйсэ теинь роботамонь 27 часст.

Ней жо вейке валонь теяманть, мон шканть нурькалгавтыня

мик нилексть. Эли жо, вейке валонть эйсэ, теян 7 часст. Ней монь эрва чинь заработкам 55 целковойть, эли жо 1650 целковойть ковс. Кедь лангсон ульнесь ученик. Сонгак истя жо, бути васьня получась 66 целковойть эрва ковсонть, то ней получи 300 целковойть.

Весесоюзонь стахановской совещаниясонть весе мирэнь трудиятнэнь вожденть, Сталин ялганть валонзо монь потс валсь од вий. Сон монь эйсэ кармавты седень, как пек роботамо, технической норматнэнь седень как пек кастомо.

Мон ней эсь прям анокстан сень, штобу вейке валонть теямс аволь 7 часос, но 4 часос. Тень теямс жо монь возмозможностем улить.

Эшо седеяк покшсто кастаса трудонь производительностенть

Мон комсомолкан. Роботан фабрикасо приготовительной цехсэ. Икеле мон роботынь вейке полуфинишер машинасо. Мейле жо, зярдод появась стахановской движениясь, карминь роботамо кавто истямо машинасо. Ней вана, Московов якамодом мейле, ноябриянь 21-це чистэ роботан мон колмо машинасо.

Роботынь вейке машинасо, получиць чинь 4 ц. 44 тр., ковозонзо 100-110 целковойть. Ютынть кавто машинас получиць 7 ц. 0,9 тр. чизэнзэ. Карминь колмосо роботамо, икелень коряс кавксты седе

ламо нажован, чинь 9 ц. 35 тр., ковозонзо 250-300 целковойть получан.

Весесоюзной стахановской васьень совещаниясо Сталин ялганть валонзо лангс мон отвечан эшо седеяк покшсто трудонь производительностенть кастамосо, продукциянь вадря качества максомасо. Саян лангзон обязательств максомс техэкзаменэть подмастеркс. Вадрясто ваномс ды ваньксто кирдемс машинатнэнь. Якамс мельгаст истя, кода икеле якинть вейке машинанть мельга.

Тихонова Галина.

Кепедьса норманть 3,5 разт

Икеле мон роботынь вейке машинасо. 1300 килограмм нормась сестэ монень чуросто топавтневсь. Ней вана, кода уш омбоце ков роботан кавто машинасо. Стахановской методсо ноботазь мон норматнэнь кавнест машинатнесэ топавтынь велькска. Ноябрьнэ 23-це чистэ кавнест машинатнесэ максинь 3743 килограмм, 2606 килограмм норманть таркас. Почти 300 проц. топавтынь норматнэнь икелень коряс.

Трудиань вожденть, од ломантнэнь вечкевикс—Сталин ялганть ва-

лонзо лангс, конань теизе Весесоюзонь стахановской васьень совещаниясонть—отвечан од обязательствань саемасо.

Саян конкретной обязательствань эрва чистэ, сменазонзо, вейке машинасо максомс 2300 килограмм, 1300 килограмм норманть таркас, кавнест машинатнесэ 4600 килограмм. Максомс продукциянть вадря качества марто. Алкалгавтомс продукциянть калгов чинзэ 8 процентс.

Зарькова Клавдия.

Седеяк кассь мелем вадрясто роботамо

Сынть фабриканть мокшонь чопода велестэ. Сынть мазеяк эзинь сода. Косто жо монень содамс, зярдод икеле сельменгак истямо фабрикадо эсть нехшнэ?

Фабрикасо аравтымизь роботамо приготовительной цехс. Максэнь тень машина. Роботамонь васьень читнестэ, эрви меремс, пек стака ульнесь, эсь призон эзинь надия арсинь куроксто мекев туеме.

Недлянть кавтонь ютазь кождо мейле тевтне лиякс тусть, нать тонадовсь, седе чождялгась роботась.

Вана колмоце ие фабрикасонть роботан. Ней мон стахановкан. Роботамо карминь колмо машинасо. Выработкань норманть колмонест

машинатнесэ свал топавтынь велькска. Максэнь эрва машинасонть 1700—1800 килограмм, 1300 килограмм норманть таркас.

Зярдод цехень завось газетастотенек ловнызе Весесоюзной стахановской васьень совещаниясо Сталин ялганть валонзо монь седеяк кассь мелем вадрясто роботамо. Мон сеске жо максинь обязательствань весемень икеле—седе вадрясто роботамс, вельть топавтомс норматнэнь, алкалгавтомс кастратностенть, лиякс меремс алкалгавтомс продукциянть калгов чинзэ 9 проц.

Катонниной фабрика Половникова Маруся

Питней эрва минутась

Ноябрянь 26-це чистэ Саранскоень махорочной фабрикань набойной цехень васень сменань стахановкатненень ульнесь толковазъ Весесоюзонь стахановской васень совещаниясо Сталин ялганть валозо.

Толковадонть мейле Сюняйкина Маруся, Дорогайкина, Чернова Настя, Веретенникова ды лия стахановкатне эсист выступления сот мерсть, што Сталин ялганть те валос ашти стахановской движениянь седеньгак пек келейгавтомань большевистской программас.

— Набойной цехсэнь сехте покш норманть теинек минь Дорогайкина марто. Минь омбоце номер станоксонть набили 160-ящикть. Но минек улить весе возможностенек сенень, штобу те цифранть пачтыамс 180. Тесэ ули ансяк вишка асатыкске, конась пек меши минек роботанть. Те асатыксэнь коряс минь нолдатань мик брак. Асатыксэсь ашти вана мейсэ: пек седейсэ вень сменатнесэ колцевить машинатне. Те мельга жо техноруктнэ следить аволь пек парсте. Минь вештяно, штобу минек машинатне эрва зярдо улелеть анокт, штобу минь сменань перть эйсэст роботавлинек алак лотксе. Ней минек эрва минутась питней. Сталин ялганть валонзо лангс отечазь, минь эсине норманок пачтасынек 180 ящикс—кортасть Сюняйкина Маруся.

Теде башка, неть стахановкатне эсь лангзост сайсть инициатива—штобу седе ламолгавтомс фабрикань весе роботатнева стахановецтнэнь рядтнэнь.

А. М.

КОРТЫ 55 ИЕСЭ АВА

Од тейтерь-авань Атяшевонь районной конференциянтень инжекс тердезельть сыре аваткак. Кой-конат сынст ютксто эсь кортамосост евтнесь эсист седикелень ды неень шкань эрямодост. Кортасть 55 иесэ авась—Шаменкова ялгасьяк. Сон васня евтнизэ эсинзэ седикелень берянь, стака, вачо эрямонзо. Ледстнизэ тейтерькс шканзо.

„Неень одломаньтненень,—мерсь Шаменкова ялгась,—те маряви евксокс, но те алкукс истя ульнесь. Тейтерь-аватненень кияк ломанькс а ловилинзе. Арасельть кодаткак праваст. Сынст лангсо нарьгаст ульцясо од черат, нарьгаст семиясо. Мирденень лисемась ульнесь сех берянь, сех стака, сех а паро тевекс. Зяро авардема авардиль тейтересь, зярдо сонзэ ладилить ды максылизь...

Те ведь ней паро—кинь вечкат, сенень лисят. Седикеле жо тонь а кевкстидизьгак. Ды веньчамо чинть самс а содылить, кие карми улеми мирдеть. Вообще, аволь мирденень максылизь, но миезмилизь, сех пек сестэ, зярдо женихесь ульнесь сюпав...

Мейле Шаменкова ялгась кармась кортамо неень эрямодонзо: „Мон икеле, кода весе сех ламо лия

тейтерь-аватнеяк ульнинь срамс а содыць... Ней жо мон маштан ловномояк, сермадомояк. Мэнсинь пек покш мелем ульнесь тонадомс. Ней а кода эрямс сокорсто. Ды монень тонавтнемасонть пек лездась комсомолось. Тень кис евант пасиба...

Мон ней эрян культурнойсэ ды зажиточнойсэ. Улить кавто скалон. Кшинь а сатомадонть арсемска а савкшны. Асяк роботак, колхозсо вачо а улят. Минь семиянек те иестэнь темнек 800 трудочить. Мэнсь роботынь звеньевоекс ды теинь 200 седе ламо трудо чить... Сюрдонть башка, мон колхозсто получинь зярыя ярмакт, пандын госу-дарстванть икеле весе обязательстван... Паролгась, ялгат, пек паролгась эрямонко...

Кортамонзо прядовама малав Шаменкова ялгась евтнесь эсинзэ звенанзо паро роботадонть.

Сондедензэ мейле кортасть Собанчезевань ды птицесовхозонть пельде делегатнэ. Сын лангс таргаст од тейтерь-аватне ютксо работасонть зярыя покш асатыкск, макссть зярыя практической предло-женият. Вешсть, штобу лездавольт тест сермадомо ды ловномо тонав-тнемасонть.

Муздравтехникумонь студенткатненень конференция

Ноябрянь 25-це чистэнь ульнесь Саранскоень муздравтехникумонь студенткатненень конференция, конаньсэ ванозь кавто вопрос: техникумонть тейтерьтне ютксо работамодоть ды ошонь од тейтерь-авань конференция делегатонь кочкамодо.

Техникумонть сех вадра тонав-ниция студенткатненень вадра общественницатненень максозь каз-неть. од тейтерь-авань ошонь кой-ференцияв кочказь Сергеева, Платонова ды Виняйкина ялгатне.

СИТКИН.

Махорочной фабрикасо а лездыть стахановской движениянтень

Зярдо Саранскоень махорочной фабриканть пачкодсть стахановской движениянь ине волнатне, сестэ фабрикань аволь весе рабочейтне покш мель марто арсесть кундамс те движениянтень. Васень читне стэ фабрикасонть ульнесь 3—4 стахановецт. Неть ломаньтне ваңа кить: ошонь советэнь членэсь Сюняйкина Маруся ды сонзо ялгасъ Дорогайкина. Сын васеньце колмо ломанень таркас, вейке станоксо кармась роботамо кавонест. Сынст эйстэ эзь кадово Веретенникова, 38 иесэ авась. Табачной фабрикасо те авась роботы 20 це ие. Сон роботакшнось революциядо икеле Никитин фабрикантонть кедьсэ. Веретенникова марто вейке станоксо кармась роботамо 19 иесэ комсомолкась Чернова Настя.

Седе тов жо сынст рядтнэненъ стаясь Киушкина Ира, Шпаталова, Настя ды лият.

Пек стака сынст ульнесь роботамс васень читнестэ. Рабочейтне, мастертнэ ды мик лия руководителнеяк сынст лангс вансть кода бути седе беряньсэ. Эрвась расэсь алкалгавтсь сынст настроени-яст, лиясто жо тейнесть сынст вредителень тевть.

Неть ломаньтненень юткс можна ловомс Карташев мастерэнтяк. Роботамонь васень читнестэ, зярдо кодамояк тевень кувалт сонзэ кевкстнесть стахановкатне, сестэ Карташев аволь ансяк эзь макстне тест лезкс, но мик кройсь эйсэст, стахановкатненень лангс вансь косойсэ,

Позорямотне-музгордема тне эсть маштне эрва чистэ. Сынст кореност эсть таргсэвть нейгак.

Вана стахановкатненень истямо отношениян максозь, сын неть од ломантне, эрва станоксонть вейке рабочеень кирязь эрва сменастонть 100 ящикень пештнеманть, пачтизь 160 ящикс.

Кода жо тосо тевес ашти ней, зярдо стахановской движениясь эрва производствасонть ашти покш виекс?

Можна смелстэ меремс, тевес ашти аволь седе парсте. Бути жо седе машть стахановецтнэнь эрва кода позорямос ды сынст лангс музгордемась, то ней сынст машинатне теить брак ды максыть алкине производительность.

Вана пример: ноябрь 25-це чистэ колмоце номер машинась, конаньсэ васень сменасонть роботыть Чернова Настя ды Веретенникова стахановкатне, сменань перть нолдась брак. Ноябрь 26-це чистэ жо истя роботась омбоце номер машинась. Васень сменасонть сонзэ эйсэ роботыть Сюняйкина ды Дорогайкина стахановкатне. Те браконть марто сын сменань перть тейсть ансяк 130 ящикт.

Те истя ашти секс, што вень сменадонть мейле неть машинатненень а тейнить паро урегуливовкат Карташев ды Шахорин урегуливовчиктнэ. Неть жо случайтне аволь вейкедть, сын эрять седейсэ. Сольт ли неть тевтнеде фабрикань дирекциясь, парткомось ды фабкомось? Истяжо стахановкатненень пек бе-

рянтэ эрямонь условияст.

Суняйкина стахановкась фабрикасонть роботы уш 4-це ие. Сонзэ 3 эйкакшонзо. Роботамонь васень иестэнь фабрикань дирекциясь ко-дамо бути кевень кудонь подвалс макссь тензэ квартира. Квартирась пек берянь, тосо якшамо, чопуда ды колыгь ведь. Квартирасонзо ульнесь каладо кудыкельксэзэ. Ды те кудыкельксэнь Сюняикинанень теизь ансяк сестэ, зярдо сон кармась улеми стахановкакс. Мекс, примеркс, дирекциянтень а таргамс те сехте паро, питней ломанень, васень стахановканть те наксадо подвалстонть од, валдо, лембе паро квартирась?

Дорогайкина стахановкась общежитиясо берянь условиятнеде эрямо тусь частной квартирас, конань кис сон эрва ковстонть эсинзэ ярмакто панды 40 целковойть.

Фабрикань руководителне истя жо а содыть седеяк, кодамо условиясо эрять лия стахановецтнэ (Никоноров П., Веретенникова ды лиятне).

Партиянь ды правительствань руководителне мерить, што кона ломанесь, руководителесь а лезды стахановской движениянь келейгавтоманень, а максы стахановецтнэненъ роботамонь ды эрямонь паро условия—се аволь минек ломанесь, се меши минек масторсо роботань, сех покш производительностень теаманень, меши минек масторонть касоманень, социализмань стро-ямонтень.

А. Мартынов.

Пионертнэнь ды школьниктнэнь ютксо соцпелкстамонть бюрократическойкс мездямонь фактнэде

ВЛКСМ-нь ЦК-нь постановлениязо ноябрь 20-це чистэ 1935 иесэ

ВЛКСМ-нь ЦК-сь тешксты, што пионерской башка организациятнесэ ды школатнесэ мездявить тонав-тнемань качестванть кисэ эйкакштнэнь ютксо соцпелкстамонь принциптнэ. Кона-кона педагогтнэ ды вожатойтне кармавтыть тонавти-цятнень, пионертнэнь ды мик октя-бренотнэньгак стандартной „соц. договоронь“ ды „обязательстват“ сермадомо. Неть „соцдоговортнэсэ“, кода, примеркс Харьков ошсо 20-це школань 6-це классонь учениктнэнь договортнэсэ 14 ды седе ламо пункт, ды задачекс аравовить уставонь требованиятнэнь: „Кантлемс якстере галстукт“, „вежливойсэ обращаться педагогтнэнь марто“, „а яжамс партатнэнь“ ды лият.

Удалов каповица тонавтицятнэненъ лездамонь организовамонть таркас, васняткеяк педагогтнэнь пельде ламо школоса ды отрядсо организовать кода мерить „соцбук-сирт“, конатнесэ удалов каповицятнэнь марто роботанть каить отлич-насто тонавтиция учениктнэнь лангс. Тень эйсэ самай а максыть сынст оймсемань нормальной шка ды эсист знанияст кемекстамо возможность.

ВЛКСМ-нь ЦК-сь мери комсомольской организациятненень, ком-сортнэненъ ды, вожатойтненень, маштомс неть бюрократической на-думанной пелкстамонь форматнень.

Меремс „Комсомольская правда“ ды „Пионерская правда“ газетатнэ-ненъ сех вадра отрядонь ды шко-лань примеркс невтемс, кода организовамс тонавтнемань качестванть кис пионертнэнь ды школьниктнэнь соцпелкстамонть.

ВЛКСМ-нь ЦК-нь секретаресь С. САЛТАНОВ.

Пеелить тейтерьтне лангсо

Беряньсэ ютнить Саранскоень пединститутсонть политзанятиятне. Сех ламот сакшныть алак анокста, кой-конат алак анокста сыть секс, што арась эрявикс литератураст, кой-конат жо мезекскак а ловить те тевенть ды арсить, што сын истяккак весе содасызь. Зярдо лети отвечаемс—кургосткак а панжовить. Литературань коряс сех беряньсэ тевес ашти васеньце курстнэ марто. Комсомолонь комитетэсь мезеяк эзь тее, штобу анокстамс сатышка эрявикс ли-тература.

Берянекс ашти сеяк, што полит-занятиятне эрва отделениянь весе курстнэненъ эрять вейсэ. Чаркоде-ви, што васеньце курсонь студент-нэ а отвечать истя, кода колмо-це ды нилеце курсонь студентнэ. Ды васень курсонь студентнэне-ч стака се материалось, кона шож-дыне маряви 3-4-це курсонь сту-дентнэненъ. Сайсынек, примеркс, исторической факультетэнь. Ко-дак кевкстить 1-це курсонь сту-дент, сон а атчеви. Лангсост кармить пеелеме. Сех пек пеелить тейтерьтне лангсо. Кодак ансяк карми отвечамо,—Сурков, Семков, Меркушкин ды лия студентнэ а максыть тензэ кортамс. Тейтерен-тень сави лоткамс отвечамо. Вере евтэзь ломаньтне пеелить тейтерьтне лангсо аволь ансяк за-нятиясо, но истяжо занятиядо мей-леяк. Руководителесь Шекшеев ды комсомолонь комитетэсь нетне каршо кодаткак мерат эсть прима.

В. Комсомолец

АЛЕКСЕЙ ЛУК'ЯНОВ

МОНЬ МЕЛЕН

Монь мелень, бажамон—
Эрямс масторлангсо.
Нурькине пингетьнень
Поладомс, поладомс.
Шгобу, бути кулан,
Куломадо мейле
Ине пингень морот
Масторлангос кадомс.

Монь мелень, бажамон—
Вечкемс масторлангонть,
Косо трудий ломань
Турезь лиссь изницякс.
Шгобу те вечкеманть
Кирвастемс пожарсо
Ды улемс те толсонть
Пек виев турницякс.

Монь мелень, бажамон—
Алак ней а кадомс,
Коде масторлангос
Югы минек кедьс.
Шгобу весе марто
Маласо шкатнестэ.
Теске, саран ошсо
Строямс СаранТЭЦ *).

Шгобу кирпич кудот
Лазост менель текшт,
Масторонк келес
Касост колхоз-ошт.
Натой Сура леес
А ули Суракс.
Мокшонь пойма виресь
А ули поймакс.

Лейтне улест кильдезь—
Моде лангс нолдазь.
Вирьтне—менель сэршка
Од кудокс строязь...
Кудо прянь фонарекс
Неян валдо тештнень.—
Вана те ульцятнень
Мон яла кинть вешинь.

Ды муевсь, муевсь!—
Лотки Сура леес
Салсеме песоктнень.
Сыть тозонь бетончикть,
Каменчикть—тудицят,
Сыть тозонь.. Мольдяно!
Лажнок Сура лей!
Тон кармат чудеме
Вана, вана тей!

Тей! Кшнинь уське вельде
Ламо вайгель петь.
Саранонь заводтнень
Максынек минь тей!
Секс мелень, бажамон—
Эрямс мастор лангсо,
Сурань валдонть ало
Эрямс покш иеть.

* ТЭЦ—Теплоэлектроцентральный.

МОРО

Меште лангсо,
Седей лангсо,
Палы тештекс „КИМ“,
Моратано
Од вайгельсэ
Комсомолонь гимн.
Зяро „КИМ“-т
Масторонь келес!—
Тештеде ламо.
Весе сынь
Тердиль эйсэнек
Гимнанть морамо.
Садо, садо
Ве рядс стядо,
Од ломанень вийть!
Масторлангонь
Гимн морадо,
Тынк седейтне псить.
Стядо дружнасто
Колоннас—
Келей сайлян кинть!
Ударнойстэ тешкстасынек
Соцпелкстамонь чинть.
Минь ульнинек
Свал изницякс,
Изнятан нейгак.
Масторланго,
Стяк мартонок—
Икелев сыркак!



СНИМКАСОНТЬ: Эрзянь поэт Алексей Лук'янов.

СЕРМАДЫЦАНТЬ ПЕЛЬДЕ

Мон шачинь 1910 иестэ, Ключовка велес (Куйбышевской край, Подбельской район). Тетян аван ульнестэ бедной сокицят.

Зярдэ тень топодсть кавксонь иеть, тетям кучимим тонавтнеме. 1920—21 стака, вачо иетнестэ монень савсь нужань-горянь неезь прядомс васень ступененть. Теде мейле—1923-24 иетнестэ—мон тонавтнинь семилеткас. Но нужа чись седе тов тонавтнеме эзимим нолда. 1924 иестэ кулось тетям. Эрямось кармасть улеме селеяк стака. Пек бажинь тонавтнеме. Авам яла кучсь роботникекс.

1925 иень сексия оргодезь ладсо туинь кудосто, ды понгинь Москов. Московсо карминь роботамо Центриздатонь типографиясо наборщикекс.

1928—30 иетнестэ—кавто иеть—мон тонавтнинь чокшнень университетсэ, 1930 иестэ саимизь роботамо Центриздатонь эрзянь секцияв, литсотрудникекс.

Комсомолс совинь 1926 иестэ. Партияс совинь 1931 иестэ.

Стихень сермадома карминь 1925 иестэ.

Васень стихем ульнестэ печатазь 1926 иень тунда. Ды седе мейле яла седе седейстэ ды седейстэ кармасть печатамо стихень. Мон карминь седе серьезнаст роботамо, тонавтнеме.

1929 иестэ стихень уш пурнавсть ламо. Мон сынст эйстэ максинь сборникс, конань пурнызе Дунашин ды конань лемезь „Васень сяткы“.

1931 иестэ пурнынь эсинь сборник, максыя, издательствав. Те самая ульнестэ монь „Зорясь лазовсь“ васень сборником, коналсь 1931 иестэ.

Мейле, стихтнеде башка, карминь роботамо седе покш произведения лангсо: сермадынть поэмат, евтема, роман („Киняль“) Ней сермадан од повесть, конань лемезь „Ася“.

Те шкас печатэсть листь истят киниган: „Зорясь лазовсь“, „Минь изнятан“ „Икелев“ „Давол“ (евтема) „Киняль“ (стихсэ сермадозь роман), „Кочказь сермадовкст“ „АрсеMAT“.

А. Лук'янов.

ЦЕЦИНЕТЬ

Алтаса Люся тейтернем туртов

Мазыят, цецине,
Тантейне чинеть.
Сезинзеть тейтерне,—
Эрявсь эрямнеть.

А касы цецине
Мазый лугасо.
Тундонь лембе чине
Арась паксясо.

Аварьди тейтерне,—
Цецинесь уш пужсь.
Ертызе ведьненень,
Ведьга цеця уйсь.

Эзь вельма цецине...
Эзь авардть тейтеры!
Омбоце тундыне
Кандсь цецят кептерь.

Мазылгадсь лугине,
Веселгадсь пакся.
Течинь маней чине
Лиссь паксяв Люся.

Сэнь цецят лымбакстнить,
Ашот—сюконить.
Лангсост мекшт утяксить,
Медь-арво саять.

Мазыйдят цецинеть,
Тантейне чиненк.
Югкованк тейтернеть
Кенярдозь чийнить.

А содавить конат
Сынст эйстэ цецят,—
Весень вейкедть понаст—
Эрямо цецят!

Библиография

Алексей Лук'янов—АрсеMAT (морот).

Эйсэнь 40 страницат, питнезь 45 тр.

Нолдыцязо Мордгиз, Саран ош, 1935 ие.

Лук'янов нолдась уш кото сборникт, те сисемеце. Сон сермады аволь ансяк морот, сермады повесть ды евтемакат. Сех ламо сонзэ сермадозь морот. Сонзэ ули нолдазь стихсэ сермадозь романо: „Киняль“.

Эряви меремс, што стихсэ сермадомась Лук'яновчэнь те шкас седе удалакшны, тесэ сонзэ опитэзэ седе покш. Те шкас а вишкинеть достиженият тейсь прозасо-як.

Сборниксэнь пурназь ламо темань кувалт морот, но сынсь сюлмазь кеняромань бажамосо ды арсемасо. Сайсынек „Монь мелем“ моронть конасонть ушодозь сборникесь. Тесэ Лук'янов эвни, кода сон кеместэ чалгась од эрямонь кинть лангс. Те кись аволь ансяк сонзэ, те кись весекеень, кие бажиды тури социализманть кис.

„Лейтне улест кильдезь,—
Моде лангс нолдазь“

Ды штобу кармавомс сынст аволь ансяк паксянь валномо—эле-тричествань нолдамо.

Художественнасто Лук'янов невтизе, мекс эряви кадомс эрзянь авань цулаенть, кодамо; зыянозо аватненень, кода сынсь янгить аватнень рунгост-сэрест эйсэ. Минек ней ули виенек сынст кадомс, секс сон терди.

Оля ава,
Сорновтык мазы рунгот,
Мештьсэть эрямось
Палозь палозо.
Кадык тонь эйсэ,
Шожда платясо,
Чись ды коштось
Кенярдозь валозо.

Умок эряволь поэзиясо: кепдемс те вопросонть. Минек те шкас улить поэтанек, конат паро мельсэ морыть цулаенть ды ташто панартнень, карьтнень кувалт. Улить истяткак, конат натой ризныть сынст емамо кис.

Нень каршо эряви туремс. Куш позда, но Лук'янов поэзиясо тень ушодызе васеньцеке.

Сех содержательной ды сюжетнень кувалт седе парсте сюлмавозь „Пулеметчик Прока“ поэмась. Лук'янов художественной образцо невтизе Сибирень партизантнень туремаст ашо гвардеецтнень каршо.

Улить книгасонть асатыксткак. Таркань таркань Лук'янов новолькшни газетнень кельс.

Те заметкасонть минь эзинеке сай задача, сермадомс критической статья, косо невтемс весе Лук'яновонь достижениянзо ды асатыксэнь. Минь те кинганть таргинеке ловныцятнень икелев, штобу сынсь ловновлизь кинганть ды евавллизь эсь мелест. Критиктнень пельде учотано критической статья.

Эряви меремс, книгась оформленной пек беряньстэ, лангаксозо седе а ков берянь, сон кавто чить как а цидярдь. Ды эряви меремс теяк, Мордгиз седе парсте те шкас вейкеяк книга эзь нолдтне.

Ф. Чесноков.

Велькскя ютазь верев ливтямонь весемасторлан- гонь рекордось

СТАЛИН, МОЛОТОВ, ОРДЖО
НИКИДЗЕ, ВОРОШИЛОВ
ЯЛГАТНЕНЕНЬ

Партиянь ветицанть Сталин ялганть директиванзо топавтозь, заводось теизе сень, што велькскя ютазь самолетсо панжозь кабина марто верев (сэрейстэ) ливтямонь Весемасторлангонь рекордось. В Коккинами летчикесь самолет сонть, конань конструировизе инженересь инструкторось Н. Подикарпов ды строязь минек завод сонть. ноябрюнь 21-це чистэнт ливтякшнось 14575 метрань сэрь. Сон кузекшнэсь 142 метрадо седь сэрейстэ Италиянь летчикенть Денатинь коряс, кона ютась иентундонть теекшнэсь Весемасторлангонь рекорд.

Заводонь коллективесь максь вал, стахановецэнь слетсонть тынк указаниятнень топавтозь, икеле пелевгак кастомс технической урваньт дь минек ине родинань самолетнэнь качестванть.

Менжинской лемсэ заводонь директорось С. МОРГОЛИН.
Конструкторось Н. И. ПОЛИКАРПОВ.
Летчикесь В. К. КОККИНАКИ.
Технической директорось Н. Н. ЛЕОНТЬЕВ.
Парткомонь секретаресь Г. Г. ПИЛИПЕНКО.

160 тракторт сменанть

Эрва 2.5 минуте трактор

Сталинград. Сталин ялганть валонзо лангс тракторной заводонь стахановецтнэ ноябрюнь 24-це чиде икеле венть тейсть производительностень весемасторлангонь рекорд вейке сменас, 7 част роботамонь перть, нолдазь 160 тракторт. Эрва кавто пель марто (2.5) минутас конвейерс энть валгиль од трактор.

160 трактортнэ эйсэ конаньсэяк арасть кодаткак дефектт. Покш производительностенть марто ве шкане теезь продукциянь пек покш качества. Американь инженертнэ те заводонтень теекшнэсть истямо норма, штобу нолдамс 72 тракторт эрва сменастонть. Ней жо нолдазь 160, те—социалистической изнявкс.

Заводонь рабочейтнень митингсэ решазь, штобу ноябрюнь 24-це чистэнт саезь кармакс вейке сменасо 150 тракторонь нолдамо. Те ламодо алкалгавты трактортнэнь питнесть дь касты рабочейтнень заработкаст.

(Правда)

Вагоностроительтнень покш изнявкскост

1935 иень планонть НКПС-энтень 80.000 товарной вагононь максомодо вагоностроительной заводось шкадо икеле топагызе.

Те—стана индустриянь пек покш изнявкс. 80000 вагон! Те колмоксть седе ламо сень коряс, зяро нолда зельть весе ютась иенть перть дь малав истянь. зяро нолдазельть меельсь ниле иетнэстэ вейсэ саезь.

Вагоностроениясь те изнявксонть теизе стахановской методсо роботамонть коряс. Кой-кона стахановецтнэ норматнень ветексть эли мик седа ламоксть велькскя топавтнэсь.

Пичужкин кадсь колмо эйкакшт

Кочкуровань район. Пищина Екатерина Константиновна лиснэсь мирденень од Мурза велень эрицяненъ—Иван Иванович Пичужкинэнь. Те „мирдэсь“ эрва кода нарьгась Екатиринань лангсо ды чавносъ эйсэнзэ. Эрять сынъ вейсэ 13 иеть. Кармасть улеме колмо эйкакшост.

1932 иестэнт Пичужкин панизе нинть дь мартонзо колмонест эйкакштнэнь. Теде мейле ушодовсть Катеринань ды сонзэ эйкакштнэнь покш майсемаст-пиштемаст. Тевесъ сень эйсэ, што Катерина эри эсь сыре тетянзо-аванзо кедьсэ, сынъгак эрывать трамс. Сыкамонзо жо а цидарды.

Пищина ялгась тевенть максокшнызе нарсудс, ды тосо прок пеелемань кис судясть, штобу Пичужкин эрва эйкакшонтень пандоволь 5 целковойть. Судтонть мейле шкась ютась уш ламо, эйкакштнэненъ жо Пичужкин вейке-як трешник эзь пандо. Ламоксть Екатерина Константиновна якась од Мурзань вельсоветэв, штобу

Пичужкинэнь кармавтолизь ярмаконь пандомо. Председателесь жо Четвергов аванть лангсо пеелекшнэ дь кортни: Учок, минь теть телефон вельде кучовтано ярмакт. Вельде кода Четвергов кармавты Пичужкинэнь ярмаконь пандомо, коли сонськак нинзэ эль кадсь, нарьги лангсонзо ды яки лия тейтерень.

Пищина ялганть кавто эйкакштнэ тонавтнить школасо—вейкенень уш 13 иеть, омбоценень 9. Сынъ кепеть, штапот, аваст уш мерсь, лоткадо школав якамо. Кшинь коряскак стака тест. Колхозосъкак овси а лезды, коть Пищина ялгась паро роботница, те иенть тейсь 216 роботамо чить, но сынст эйстэ 6 ломанть а тривить.

Кочкуровань райпрокуратурантень эрви нейке жо те тевенть ванномс дь кармавомс, штобу Пичужкин Иван Иванович травлинзе кадозь эйкакштнэнь.

М. Полежаикин

В. Обедкин.

„Мон колмо тейтерть панян комсомолсто“

Ичалкань р-н. Кергуд велень комсомолонь организациясь кодамояк работа а вети од тейтертне ютксо. Улить 4 комсомолкат (вейкесь ава-комсомолка), сынъгака пактарга организациянь роботас. Сынъ аштить сезевезь организациянь эйетэ.

Комсоргось Забавин (сон жо избач) вестъкак эзь пурнакшно аволь союзной од тейтерень промкс. Ловнома кудосонть сынст ютксо можналь бу ветямс покш работа но Забавин теде ай орьсекшны. Велесэнть весе тейтертне, истя жо комсомолкатне чокшне эсист ютко шкаст ютавтнить келиясо, косо похабшинадо башка мезеяк а эри. Комсоргось-избачось Забавин сонъскак секе тев эри неть келиятнесэ, ды сон тосо тейтертне ютксо а вети работа, эзь снартнеяк, штобу тейтертнень тердтнемс. пурнамс ловномо кудос, ютавтнемс юткскост беседат дь лият. Забавин эзь ара-

вто келиятнесэ похабшинанть, хулиганстванть каршо культура. Вестъкак эзь кортне ниле комсомолкатне марто, штобу сынъ сынсь авольть яка келияз, ялгастькак аволизь нолдтне, сайневлизь мартоост бу ловнома кудов. Забавин седе-стэ мик комсомолонь промксовгак а тердтнесынзе комсомолкатнень. Дь сон корты: „мон колмо комсомолкатнень панъсынъ ВЛКСМ-нь рятнэстэ сень кис, што сынъ келияз якить“.

Велесэнт тейтертнэненъ можналь бу организовамс эрва кодат интересной кружокт.

Ней районга молить од тейтерь-авань конференцият.

Бути улелель од тейтерь-авань районной ды республиканской конференциятнэненъ анокстамо, то Кергуд велень комсомолонь организацияськак тень коряс мествъкак бу тейневель.

Н. Семенова.

Сеедэстэ кармасть эрсеме спектакольтне ды самодеятельной вечертнэ

Меельсь шкастонть Пакся Тавлань колхозной клубсонть сеедэстэ кармасть эрсеме спектакольт дь самодеятельной вечерт.

Колхозонь правлениясь рамась клубонтень гармоният. кавто гитарат дь балалайкат. Од ломаньтне—тейтертне ды цератне эрва чокшнэстэ ламо яксить клубов ды тонавтнить од киштёмат, танецт.

Клубонь завось Сунайкин кеместэ кундась клубсо роботанть вадрылгавтомо. Сон вадрыла массовик, гармонист.

Петров.

Кочкуровань р-н.

Мекс арась вожатой?

Дубенкань р-н. Сайнеле велень пионерэнь организациясонть 58 пионерт. Сынст ютксо арась кодамояк работа. Те секс, што пионертнэнь кис кияк а мелявты ды сынст эсть максо мик вожатойгак.

Эйкакштнэнь ули мелест роботамс, но сынъ ней ансяк истяк ульцява чийнить, ютко шкаст юты

апак организова, кода понгсь.

Дубенкань райкомолонтень эрви теемс истя, штобу Сайнеле велень пионертнэнь улелель паро вожатоесть, штобу улелель сынст ютксо паро, интересной работа, мазый-стэ, в-силасо бу эйкакштнэ ютавтневлизь шкаст.

Од ломань.

НСШ-тень пенгть эзть анокста

Кочкуровань райононь Пакся Тавлань аволь полной средней школантень те шкас эщо эзть анокста пенгть. Школасонть якшамо, Эйкакштнэ тонавтнемстэ аштить

одижако, чапкасо ды мик а кайсекшнесызь варгасткак. Петров.

Границянь томбале

Итало-абис- синской вой- нась

Италиянь войскактнень
ютксо сэредемась
касы

Лондон, ноябрюнь 26-це чи. Огаденской фронтсо ламо пунктнэва абиссинецтнэ теснизь Италиянь войскактнень дь малав пачкодить Горахаентень.

Аддис-Абебасто пачтить куля, што Италиянь туземной войскактнэстэ 60 солдат оружияст марто ютасть Сею-мурасу енов. Италиянь войскактне страдаить берянь пищадонть, сэредемась юткскост касы дь абиссиниянь аволь регулярной войскактнень вень атакатнень тейнемаст кувалт салдатнэнь местест берянь.

Рейтер агенствасъ пачти куля, што Макаластонть север енов Халова пунктонтъ бокасо кавто чиде икеле Италиянь 3 батальонтнэ застанизь апак учо, апак анокста дь кармавтызь чиеме. Италиянь салдатнэнь ютксто ламо маштовсть.

Деста раса группанть войскактне икелев молиция частенть тапизь Италиянь туземной войскактне дь Италиянь самолетнэ, конатне ульнэст Налладайо пунктонтъ маласо.

Италиянь командованиясь кармась операциянь тееме, конань целезэ теснямс Сейюма расань войскактнень позициятнэстэ, конатнень занизь сынъ Тембиен районсо.

Германиясо каторжной приговорт

Прага. „Социал-демократ“ газетась пачти куля Чамбургской судонтъ (Германия) каторжной од приговордонзо. Аволь пек умок те судось вансь тев од ломанень Социал-демократической союзонь икелень 12 члендэ. Весе подсудимойтне, сермады газетась, судонь зданиантень ветязельть кандаласо сюлмсець. Чумондэст сынст „государственной изменань“ кис, кона ашти сень эйсэ, што неть 12 ломаньтне язвэсть материалт Германиясо фашистской режименть каршо.

Весе 12 ломаньтне судязь эрва кодамо шкас тюрьмас пекстамос строгой изоляция марто.

ВСЕ ПОЧТОВОЙ
ОТДЕЛЕНИЯТНЭ
— дь сермань
нандтлицятне —
УШОДЫЗЬ

„ЛЕНИНЭНЬ КИЯВАС“ ПОДПИСАНЬ ПРИМАМОНТЬ

Подпискась примави декабрь ковонтень дь 1936 иентень.

Подписканть питнезэ: 1 ковс 60 тр., 3 ковс 1 ц. 80 тр., 6 ковс 3 ц. 60 тр. дь иезэнзэ 7 ц. 20 тр.

1—3

Ответ. редакторсь М. ЛЮПАЕВ.